

欽定續通志



欽定續通志卷五百一

外戚傳

臣等謹案外戚一門唐書以前祇載后妃之父兄弟姪緣帝室之外家故謂之外戚自宋史載柴宗慶王貽永諸人兼及尙主者實始濫觴遼金元史因仍其例登載稍繁考主壻以帝室爲外家於外戚之名稱素然其人大都世臣勳舊因緣貴寵爲國家肺腑之戚又多武臣右階他無可傳比類附登未爲不可五代傳世甚短外戚多不足紀舊史所無茲亦不能復添綴云

唐

獨孤懷恩

武士驍

承嗣

韋溫

楊國忠

獨孤懷恩元貞皇后弟之子也

新書作元貞皇后弟也按下文云弟姑子悉有天下謂元貞皇后及隋文帝父整隋獻皇后皆懷恩之姑也據此當從舊書作弟之子爲是通鑑同舊書今據改

涿郡太守懷恩之幼隋文帝獻皇后以姪養宮中長學書記而居財不訾喜交豪猾博徒爲鄆令以疾免高祖平

京師拜長安令帝受禪擢工部尙書遣代韋義節擊堯君素於蒲州懷恩性貪寡算略數戰無功詔書切責而懷

恩稍怨望帝嘗與戲曰弟姑子悉有天下次當爾邪懷恩內喜遂懷異志居嘗咤曰我家渠獨女子富貴邪因與

麾下元君寶解令榮靜謀引王行本軍與劉武周連和割河東以啗之引虞鄉南山羣盜取永豐倉絕秦王柏壁

餉道長驅三輔會夏人呂崇茂殺縣令應武周帝敕懷恩與永安王孝基等擊崇茂爲金剛所掩諸將皆沒君寶

與開府劉讓私侮懷恩曰不早舉大事以及斯辱故謀寢露及秦王敗武周於美良川懷恩逃歸帝復命率師攻

蒲州君寶聞曰王者不死果然唐儉知狀按通鑑不早舉事及王者不死皆君寶語唐儉辭故云唐儉知狀會武周還劉讓求罷兵因白發懷恩

等姦時行本舉蒲州降懷恩勒兵入城帝方濟河而讓至具得反狀召而縛之窮索黨與縊死於獄以首徇華陰市籍其家

武士護字守信則天皇后之父世殖貴交結高祖營領屯汾晉休其家因被顧接後留守太原引爲行軍司鎧參軍及將起事以劉弘基長孫順德統募兵王威高君雅以弘基等皆背征三衛罪當死將劾擊之士護曰此皆唐公客若爾必有大嫌威等遂不敢發司兵參軍田德平亦欲勸威劾募兵狀士護又勸止之及建大將軍府拜鎧曹參軍從平京師爲光祿大夫封義原郡公累遷工部尙書進封應國公歷利荆二州都督卒贈禮部尙書諡曰定高宗永徽中以皇后故崇贈并州都督司徒周國公咸亨中加贈太尉兼太子太師太原郡王配享高祖廟庭列功臣上后監朝尊爲忠孝太皇建崇先府置官屬追王五世后革命更於東都立武氏七廟追冊爲帝諸妣皆隨帝號曰皇后先天中有詔削士護僞號仍爲太原王廟遂廢始士護娶相里氏生子元慶元爽又娶楊氏生三女長妻賀蘭氏早寡季妻郭氏前死士護卒諸子事楊禮薄銜之后立封楊氏榮國夫人后姊韓國夫人於時元慶已官宗正少卿元爽少府少監兄子惟良衛尉少卿楊諷后上疏出元慶等於外以示退讓由是元慶斥龍州元爽濠州惟良始州元慶死元爽流振州乾封時韓國有女在宮中帝尤愛幸韓國卒女封魏國夫人

按武后
附韓國

女封魏國夫人今據改

后內忌甚欲并殺之會封泰山惟良及弟懷運以岳牧來集上食后寘毒死魏國歸罪惟良等誅

之按通鑑懷運兄懷亮早卒其妻普氏尤不禮於榮國坐惟良

等沒入掖庭榮國令后以他事東棘嶺之內盡見骨而死諷有司改姓蝮氏絕屬籍元爽緣坐死家屬投嶺

外后取韓國子質蘭敏之爲士護後賜氏武襲封擢累左侍極蘭臺太史敏之系於榮國挾愛仇橫多過惡后疊怒暴其惡流雷州表復故姓道中自經死乃還元爽之子承嗣奉士護後宗屬悉原士護兄士稜士逸士遜字遜

有戰功終韶州刺史

承嗣既還擢尚輦奉御

尚輦舊書作尚衣

襲周國公遷祕書監則天臨御擢禮部尚書俄以太常卿同中書門下三品未

幾辭位垂拱初以春官尚書同鳳閣鸞臺平章事改納言拜文昌左相性暴輕忍禍聞左司郎中喬知之婢竊孌

美且善歌奪取之知之作綠珠篇以諷婢得詩恨死承嗣怒告酷吏殺之殘其家初后擅政中宗幽逐承嗣自謂

傳國及己武氏當有天下卽諷后革命去唐家子孫誅大臣不附者倡義追王先世立宗廟又王元慶曰梁王諡

憲元爽魏王諡德后從父士讓楚王諡僖士逸蜀王諡節贈兄子承業陳王封元慶子三思爲梁王士讓孫攸寧

爲建昌王攸歸九江王攸望會稽王士逸孫懿宗河內王嗣宗臨川王仁範河間王仁範子載德潁川王士稜孫

攸暨千乘王惟良子攸宜建安王攸緒安平王從子攸止恆安王重規高平王承嗣子延基南陽王延秀淮陽王

三思子崇訓高陽王崇烈新安王承業子延暉嗣陳王延祚咸安王而承嗣爲魏王實封千戶乃密諭后黨鳳閣

舍人張嘉福使洛州人上書請立己爲皇太子后問岑長倩格輔元皆執不可於是怨長倩等皆以罪誅之承嗣

罷爲特進后決意還太子還太子太保不得志怏怏憤死諡曰宣子延基襲爵后嫌斥其名更曰繼魏王長安初

與妻承泰郡主及邵王私語張易之兄弟事後忿爭語聞后怒令自殺以弟延義代中宗復位侍中敬暉等言諸

武不當王帝柔昏不斷又素畏太后欲悅安之更言攸暨三思皆與去二張功纔降一級三思王德靜郡攸暨王

壽春郡

舊書作樂壽郡王

懿宗耿國攸寧江國攸望鄴國嗣宗管國攸宜息國重規鄆國延義魏國攸緒巢國崇訓鄆國

延祚咸安郡皆爲公載德終湖州刺史攸歸歷司屬少卿至齊州刺史事母孝攸止絳州刺史三人死太后時不

及削封延秀初使突厥爲默啜所執不得歸神龍初默啜請和因延秀送款還封柏國公左衛中郎將宗兄崇訓

尙安樂公主數與宴昵崇訓死遂私侍主後因尙焉以太常卿兼右衛將軍封恆國公三思死皇后復私延秀故

延秀益自肆主府倉曹參軍何鳳

唐書作何鳳

說曰今天下繫心武家庶幾再興且讖曰黑衣神孫被天裳神孫非公

尙誰哉因勸服早衣感眾皇后敗尙與主居禁中格戰良久同斬肅章門攸望以太府卿

唐書作太常卿

貶死春州諸武

屬坐延秀誅徙者略盡

三思當太后時累進夏官春官尙書爲王契丹陷營州以榆關道安撫大使屯邊還同鳳閣鸞臺三品檢校內

史罷爲太子少保遷賓客三思性傾諛善迎諸主意鉤探隱微故后頗信任數幸其第賞予尤渥屈事所幸臣

爲薛懷義御馬倡言昌宗爲王子晉後身引公卿歌詠淫汙視不爲恥后春秋高厭居宮中三思欲因此市權卽

建營三陽宮於嵩山興泰宮於萬壽山請太后歲臨幸已與二張扈侍私竊威福工役鉅萬萬百姓愁歎中宗復

位進位司空同中書門下三品固辭進開府儀同三司初桓彥範等緩於事不加誅三思因皇后反易國政罷逐

五王悉還所斥去者詔郡臣復循太后法三思建言大帝封泰山則天皇后建明堂封嵩山二聖之美不可廢帝

遽其言遂更名五嶽曰乾封合宮永昌登封告成明年春旱遣禱乾陵而雨帝悅遂復崇恩廟吳順二陵皆置令

丞起毬場苑中詔文武三品分朋爲賭帝與皇后臨觀用功不訾人苦之三思旣私皇后又與上官昭容亂內忌

節愍太子卽與安樂公主謀廢之太子懼發羽林兵圍三思第并崇訓斬之殺其黨十餘人三思姦亂竊國忌阻

正人與宗楚客兄弟紀處訥崔湜甘元東相驅煽又有冉祖雍宋之慈李懷周利用姚紹之等號三思五狗而趙

履溫鄭愔馬構崔日用李懷託其權勢熏炙內外天下語曰崔冉鄭亂時政以爵賞自相崇樹凡構大獄汙點善

良破壞其宗天下爲蕩然始韋月將高軫上疏極言三思過惡有司殺月將逐軫惡地宋璟執奏亦見斥其權大

良破壞其宗天下爲蕩然始韋月將高軫上疏極言三思過惡有司殺月將逐軫惡地宋璟執奏亦見斥其權大

抵如此既死帝爲舉哀以太子首祭三思

此下舊有懿宗收暨二傳懿宗事不足錄收暨見太平公主傳今並刪

抵如此既死帝爲舉哀以太子首祭三思

按此下舊有懿宗收暨二傳懿宗事不足錄收暨見太平公主傳今並刪

韋溫者中宗廢后庶人從父兄也后父玄貞歷普州參軍事后爲皇太子妃擢豫州刺史帝幽房陵玄貞流死欽

州妻崔爲蠻酋寧承所殺四子洵浩洞泚同死容州后二女弟逃遷京師帝復政詔贈玄貞上洛郡王太師雍州

牧益州大都督溫父玄儼魯國公特進并州大都督遣使迎玄貞喪詔廣州都督周仁軌討寧承斬其首祭崔樞

柩至帝與后登長樂宮望哭贈鄆王諡文獻廟曰襄德陵曰榮先四子並贈郡王葬京師溫初試吏坐賊斥神龍

初擢宗正卿遷禮部尙書封魯國公弟潛自洛州戶曹參軍連拜左羽林大將軍曹國公后大妹嫁陸頌進國子

祭酒仲妹嫁嗣虢王邕潛子捷尙成安公主溫從弟濯尙定安公主並拜駙馬都尉捷爲右羽林將軍景龍三年

溫以太子少保同中書門下三品遙領揚州大都督見天下事在手欲自殖以牢其權引用支黨不一公卿雖畏

伏然溫無能不如諸武凶而熾也帝崩后專政畏有變敕溫盡總內外兵守省中又以從子播捷從弟璿高嵩分

領左右羽林軍溫與宗楚客武延秀等說后謀革命臨淄王討韋氏溫坐斬分捕諸韋子弟無少長皆死仍夷玄

貞及洵等墳墓

按新書此下有王仁皎傳係明皇廢后之父附載其子守一仁皎父子並無事蹟史惟稱其聚貨吝墨而已今刪

楊國忠貴妃從祖兄父珣母張氏卽易之妹少嗜飲博數旬貸於人無行檢不爲姻族齒年三十從蜀軍以屯優

遷新都尉罷去益困蜀大豪鮮于仲通頗資給之從父玄炎死國忠護視其家因與妹通所謂虢國夫人者哀其

貧至成都擄捕一日費輒盡乃亡去久之調扶風尉不得志復入蜀劍南節度使章仇兼瓊與宰相李林甫不平

聞楊氏新有寵思有以結之仲通因以國忠薦表爲推官使部春貢之長安得蜀貨百萬至京師見羣女弟致贈

遺諸楊日爲兼瓊譽而言國忠善楊補玄宗引見擢金吾兵曹參軍閑廐判官兼瓊入爲戶部尙書兼御史大夫

用其力也國忠稍入供奉常後出專主蒲薄計算鉤畫分銖不誤帝以為才累遷監察御史林甫與韋堅等獄欲危太子以國忠搏驚可用倚使按劾乃慘文峭詆誣讎被誅者百餘族度可以危太子者先林甫意陷之皆中所欲號國居中用事帝所好惡國忠必探知其微帝以為能擢兼度支員外郎不淹歲領十五餘使擢給事中兼御史中丞專判度支時海內豐熾州縣粟帛舉巨萬國忠請在所出滯積變輕齎內富京師又悉天下義倉及丁租地課易布帛以充天子禁藏帝詔百官觀庫物積如邱山賜羣臣各有差錫國忠金紫知太府卿事初楊慎矜與王鉷有隙鉷挾國忠共劾慎矜抵不道誅由是權傾中外吉溫為國忠謀奪林甫政國忠即誣奏林甫所厚京兆尹蕭冕御史中丞宋渾逐之又忌鉷寵因邢綽事構之誅死已代為京兆尹悉領其使即窮劾支黨引林甫交私狀牽連左逮數以聞帝始厭林甫疏薄之先此南詔質子閣羅鳳亡去按通鑑考異云南詔傳七年蒙歸義死詔閣羅鳳襲雲南王不云嘗為質子亡歸九

年姚州自以張陵陀侵之故反時鮮于仲通已為益帝欲討之國忠薦鮮于仲通為蜀郡長史率兵六萬舊書事

萬通鑑上卒死者六萬人與新書合討之戰瀘川舉軍沒國忠為匿其敗更敘戰功新書此下有使白衣領職舊書通鑑無之今據刪使

仲通表請已遙領劍南按新書自請兼領劍南通鑑舊書俱作詔拜劍南節度支度營田副大使知節度事兼山

南西道采訪處置使開幕府引寶華張漸宋昱鄭昂魏仲犀等自佐而留京師俄拜御史大夫引仲通為京兆尹

使司馬李宓率師七萬再討南蠻為蠻所誘宓死於陣國忠又隱其敗凡再舉討蠻之軍徵發皆中國利兵風土

不便物故十八九人銜冤毒無敢言者按再討南蠻事新書總序在後舊書序在未相前與通鑑合今據改自恥無功欲解於帝乃使麾下請已到

屯外示憂遇以合上旨實杜言路林甫亦奏遣之及辭泣訴為林甫中傷妃又為言帝益親之豫計召日及帝在

華清驛騎追還林甫死遂拜右相兼文部尚書集賢院大學士崇玄館大學士太清紫微宮使節度采訪等使判

度支如故國忠已得柄則窮摘林甫姦事碎其家帝以爲功封衛國公以宰相領選建罷長名榜於銓日卽定
放盡廢故時選格式令創爲押例無賢不肖用選深者先補官牒文謬缺得再通衆議翕然美之故事吏兵部尚
書侍郎分案注擬吏部銓注常三注三唱自春及夏乃訖復引過門下侍中給事按閱有不可黜之及是國忠使
吏到第預定其員集百官尙書省注唱一日畢以夸神速明年大選因就第唱補召左相陳希烈隅坐給事中在
旁旣對注曰已過門下矣希烈不敢異侍郎韋見素張倚與本曹郎趨走堂下拜案牒鮮于仲通等諷選者立碑
省戶下以頌德詔仲通爲頌帝爲易數字以黃金識其處自是資格紛謬無復綱序帝常歲幸華清宮諸楊湯沐
館在宮東垣連蔓相照帝臨幸必徧五家賞賚不嘗出有賜曰餞路返有勞曰輓脚遠近饋遺閣侍歌兒狗馬金
貝踵疊其門國忠由御史至宰相凡領四十餘使按洪邁容齋隨筆云楊國忠爲度支郎領十五餘使至宰相凡

史大夫判度支權知太府卿事兼蜀郡長史劍南節度支度營田等副大使本道兼山南西道采訪處置使兩京
太府出納監倉祠祭木炭宮市長春九成宮等使關內道及京畿采訪處置使拜右相兼吏部尙書集賢殿崇元
館學士監修國史太清紫微宮使其餘所領又而度支吏部事尤叢夥第署一字不能盡故吏得輕重顯賅公謁
有管當租庸鑄錢等使以是觀之概可見矣

無所忌國忠性復疏悅捷給硯硯處決樞務自任不疑盛氣驕懷百僚莫敢相可否官屬悉苛督旬剝相憊又便
倭專徇帝嗜欲不顧天下成敗帝雅意事邊身調兵食取習文簿惡吏任之須索快成其手不能省視大雨敗稼
帝憂之國忠擇善不以進曰雨不爲災扶風太守房瑄上郡災國忠怒遣御史按之後乃無敢以水旱聞子暄舉
明經不中詎曰生子不富貴邪豈以一名爲鼠輩所賣侍郎達奚珣大驚卽致暄高第俄與珣同列猶咤官不早
達遣戍瀘南餉路險乏舉無還者舊勳戶免行以寵戰功國忠令當行者先取勳家凡募法願奮者則籍之國忠
歲遣御史督促郡縣吏窮無以應乃詭設餉召貧弱者密械送之亡者以送吏代故人人思亂安祿山方有寵國

忠知終不出已下暴發其反狀帝不之信祿山雖逆久以帝遇之厚不忍發欲伺晏駕後稱兵俄祿山授尙書右

僕射帝恐國忠不悅故冊拜司空國忠寡謀矜躁謂祿山跋扈不足圖故幸其必反以取信於帝乃建言請以祿

山爲平章政事追入輔政以賈循節度范陽呂知誨節度平盧楊光翽節度河東已草詔帝使謁者輔瑒琳謁祿

山未還帝致詔坐側而瑒琳納金固言不反帝謂國忠曰祿山無二心前詔焚之矣祿山還幽州覺國忠圖已反

謀愈急國忠令客何盈蹇昂刺求反狀諷京兆尹李峴圍兵第捕祿山所善李超安僞李方來王岷殺之貶其黨

吉溫於合浦祿山上書自陳條上國忠大罪二十帝歸過於岷貶零陵太守以慰祿山按通鑑國忠建言以祿山爲平章在天寶十四載二月

月捕安祿山所善李超等在三月通鑑舊書皆言既祿山反以誅國忠爲名帝欲自將使皇太子監國國忠懼謂殺李超等祿山惶懼遂反新書前後倒置今據移正祿山反以誅國忠爲名帝欲自將使皇太子監國國忠懼謂

女弟等曰太子監國吾屬誅矣因聚泣入訴於貴妃妃以死邀帝遂寢及哥舒翰守潼關按兵守險國忠聞欲反

已疑之乃從中督戰翰不得已出關遂大敗降賊書聞帝召宰相計事國忠先聞難時自以身帥劍南豫置腹心

梁益間爲自完計請曰幸蜀便帝然之明日遲昕帝出延秋門羣臣不知國忠與韋見素高力士及皇太子諸王

數百人護帝進次馬嵬將士疲乏食右龍武大將軍陳玄禮召諸將曰今天下震蕩社稷不守使生人肝腦塗地

豈非國忠所致欲誅之以謝天下云何衆曰念之久矣會吐蕃使有請於國忠衆大呼曰國忠與吐蕃謀反衛騎

合國忠突出或射中其額殺之爭噉其肉且盡梟首以徇是時祿山雖據河洛其兵鋒東止於梁宋南不過許鄧

李光弼郭子儀統帥河洛若嶺固守則凶逆之勢不討自斃及哥舒翰出師凡不數日乘輿遷幸朝廷陷沒兵

滿天下毒流四海皆國忠之貽禍也是時祿山以下據舊書增四子暄眦曉晞暄太常卿白部侍郎聞亂下馬蹶弩衆射殺之

眦尙萬春公主鴻臚卿陷賊見殺曉奔漢中爲漢中王瑀撈死晞及國忠妻裴陳倉爲追兵所斬柔故蜀

倡也國忠本名釗以圖讖有金刀帝爲改今名

按新書有李儼鄭光二傳事無足錄今刪

欽定續通志卷五百一

外戚傳

宋一

杜審琦

審進

審序

賀令圖

王繼勳

劉知信

劉文裕

劉美

從廣永年

楊景宗

符維忠

柴宗慶

張堯佐

杜審琦昭憲皇太后兄昆仲五人審琦最長其次審玉審瓊審肇審進世居常山以積善聞審琦仕後唐爲義軍指揮使天成二年卒審玉前一年卒太祖開國贈審琦左神武軍大將軍子彥超

審瓊建隆初授檢校國子祭酒歷左領軍衛將軍改左龍武軍大將軍遷右衛大將軍乾德間領富州刺史權判右金吾衛仗兼領步軍司事四年卒贈太保寧國軍節度使諡恭僖審瓊性醖質在公畏慎宿衛勤謹徼巡京邑里閭清肅人皆稱之景德三年加贈太傅改葬陪陵又贈太師中書令子彥圭

審肇起家授左武衛上將軍檢校左僕射致仕賜第京師領濰州刺史開寶中爲右騎衛上將軍出知澶州以未嘗歷郡務命姚恕通判州事以左右之未幾河決鄆濮數郡民田罹水害太祖怒其不卽時上言遣使案鞫論恕棄市審肇免歸私第俄復令致仕以濰州刺史月俸優給之七年卒贈太保昭信軍節度使諡溫肅景德三年加贈太傅子彥遵

審進初授右神武大將軍改右羽林大將軍領賀州刺史知陝州就改保義軍節度觀察留後加節度太宗立加檢校太傅太平興國二年許昌裔刺號州摺拾使州闕失事上訴詔右拾遺李幹鞫之幹因上言請支郡不復隸

藩鎮皆得專達從之四年帝親征河東審進願率所部擊太原帝以審進耆年不許五年契丹入邊帝幸大名勞軍留審進警巡都邑復歸陝加檢校太師改右衛上將軍尋領靜江節度端拱元年帝親耕籍田審進預其禮加開府儀同三司卒贈中書令諡恭惠審進鎮陝二十餘年勸農敦本民庶便之雖居位節制無驕矜之色人推其醇厚景德三年追封京兆郡王後贈尚書令子彥鈞彥彬

按此下原有彥珪彥鈞及彥圭子守元三傳均無事蹟足錄今刪

惟序字舜功審琦曾孫自三班奉職累遷至供備庫使爲梓夔路鈐轄徙懷慶路知邠州又權慶州會任福敗以騎兵數千繇懷安路破三砦斬首數百級獲牛馬千計以功領忠州刺史爲涇原鈐轄救巡警邊州改六宅使知雄州時契丹勒兵燕薊間遣使求割地未至惟序預得其草以聞累徙大名府路總管改乾州團練使卒

賀令圖父懷浦孝惠皇后兄仕軍中爲散指揮使出爲岳州刺史領兵屯三交從楊業出師死於陣令圖少謹愿隸太宗左右洎卽位補供奉官改綬錦副使知莫州遷崇儀使知雄州領平州刺史充幽州行營壕砦使以所部克涿州會父死起爲六宅使領本州團練使護瀛州屯兵初令圖在邊十餘年恃舊恩每入奏事多言邊塞利害及幽薊可取之狀

按通鑑綱目載令圖上言契丹主少母后專政竊用事請乘其隙以取幽薊

帝信之故有岐溝之敗令圖輕而無謀契丹將耶律

休格

原作通鑑宜係耶律休格之字今據遼史改稱名

號裕悅者使諜給令圖曰我獲罪本國願歸南朝令圖不虞其詐私遣重錦十兩

既裕悅率衆入侵宋師敗於君子館裕悅傳言軍中願得見雄州賀使君令圖意其來降卽引麾下數十騎逆之將至其帳裕悅據牀罵曰汝常好經度邊事乃今送死來邪麾左右縛令圖去令圖與其父首謀北伐一歲中父子皆陷焉是役也武州防禦使高陽關部署楊重進死之

按此下原附有楊重進傳今析入忠義

王繼勳孝明皇后同母弟也性兇率無賴以后故爲內殿供奉官都知谿州刺史累遷龍捷右廂都指揮使領彭

州防禦使太祖將討蜀命繼勳戒期將大閱繼勳素與馬仁瑀不協陰勒部下市白梃將以相圖太祖知之爲出仁瑀密州遷侍衛步軍司事繼勳所爲多不法會新募兵千餘隸雄武多無妻室太祖謂繼勳曰此必有願爲婚者不須備聘財但酒炙可也繼勳不諭旨縱令掠子女京城紛擾帝聞大驚遣捕斬百餘人始定時后已崩帝追念后不之罪後復爲部曲所訟解兵柄爲彰國軍留後奉朝請繼勳自以失職常怏怏專以鬻割奴婢爲樂一日天雨牆壞羣婢突出訴冤帝大駭命中使就詰之盡得所爲不法事詔削爵歸第令甲士守之俄又配流登州未至改右監門率府副率開寶三年命分司西京繼勳殘暴愈甚疆市民家子女備給使小不如意卽殺食之太宗立命知雜事雷德驥乘傳往鞫之繼勳具伏手所殺婢百餘人乃斬洛陽市及女僧男子爲疆市子女者僧廣惠者常與繼勳同食人肉令折其脛軀之其後家寓西洛潁陽孫惟德不肖不能自立丐食以給真宗憫之授汝州司士參軍

劉知信字至誠邢州人父遷晉鳳翔帳前軍使改滑州奉國軍校從驍將皇甫暉禦邊有功番卒母卽昭憲太后妹也乾德初封京兆郡太君六年進本郡太夫人開寶三年卒追封齊國太夫人陪葬安陵贈遷太保知信三歲而孤宣祖憐其敏慧建隆初起家授供奉官轉大宅副使開寶間遷軍器庫使掌武德司領錦州刺史屬郊祀西洛爲行宮使駐洛中又爲西京武德皇城宮苑等使車駕出郊充大內留守太宗卽位進領本州團練使拜武德使從征河東爲行宮使太平興國中坐市竹木矯制免算左授軍器庫使進爲皇城使坐秦王廷美事改右衛將軍出爲靜難軍節度行軍司馬起爲左衛將軍領營州刺史雍熙初改左神武軍將軍檀州團練使護屯兵於鎮州會大舉出師爲押陣都監師還諸將失道知信獨整所部歸俄知定州兼兵馬鈐轄押大陣右偏一日宴犒將

士契丹騎至知信不介而出追之數十里勦獲甚眾就拜豈州觀察使四年召入改并州路副都部署端拱中代還知杭州淳化四年又知天雄軍府咸平初拜建武軍節度觀察留後知永平軍府契丹入侵復知天雄軍貞宗北巡充駕前副都部署歷知河陽昇州車駕幸澶淵命爲東京都巡檢使復知定州以疾求還京至鎮州卒贈太尉天平軍節度知信以戚里被親任中外踐歷最爲舊故以循謹聞子承宗承渥按此下原有承宗傳附載承渥並無事蹟足錄今刪

劉文裕字以寧祖正晉幽州營田使兼平州刺史簡穆皇后兄也父審奇武牢關使從討李重進死審奇二子長文達建隆中爲供奉官與并人戰萬善沒次卽文裕起家補殿直權管雲騎員僚直預討江南中弩矢神色自若太宗在藩邸多得親接太平興國二年擢爲內弓箭庫副使出爲秦隴巡檢有李飛雄者太保致仕麟之孫性兇險縱酒捕博常往來京師魏博間與無賴游處以其父任秦州判官故盡知倉庫所積及地形險易兵籍多少又有妻父張季英爲鳳翔監厰尉飛雄自京師往省之因乘季英馬詐爲使者夜抵厰置呼卒索馬卒秉炬出迎不能辨卽授以馬一卒乘一馬前導以巡邊爲名因矯詔驅巡驛厰直姚承遂隴州監軍供奉官王守定吳山尉盧贊皆從行時秦州屬羌爲寇朝廷遣周承瑨田仁朗等及文裕領兵屯清水縣飛雄至自稱上南府時親吏宣制盡縛之承瑨等見姚承遂數輩同至不覺其詐仁朗獨號泣求詔書飛雄叱之曰我受密旨以若輩逗撓不用命令盡誅汝豈不聞封州殺李鶴邪詔書汝豈得見先是帝卽位分命親信於諸道廉官吏善惡以聞嶺南使者言封州李鶴不奉法誣奏軍吏謀反詔誅之故飛雄引以爲言將械承瑨等詣秦州戮之因據城叛文裕曰我亦嘗依晉邸使者豈不營救之乎飛雄低語謂文裕曰爾能與我同富貴否文裕覺其詐僞許之卽釋其縛文裕策馬前附耳語仁朗仁朗伴墜馬若卒中風眩狀飛雄共前視之又釋其縛仁朗奮起搏飛雄與文裕共擒之送秦

州獄鞫得實與承遂守定贊坐要斬夷飛雄家文裕後遷軍器庫使四與通事舍人王侁分兵控石嶺關七年
爲高陽關都監契丹萬餘騎入與大將崔彥進擊却之雍熙初徙屯三交加領順州團練使會李繼遷率折遇也
寇邊擊走之及從潘美出師坐失將楊業創籍配登州俄起爲右領軍衛大將軍領端州團練使遷容州觀察使
出爲鎮州兵馬部署端拱元年卒於屯所贈宣遠軍節度弟文景文質

劉美字世濟益州華陽人本姓龔以鍛銀爲業明肅皇后以美爲兄因改姓劉

按宋史明肅皇后傳后幼孤鞠於外氏蜀人龔美攜之至京師入龔

邸真宗卽位爲美人以其無宗族乃以美爲兄故美改姓劉宋史因初事真宗藩邸以謹力被親信卽位補三班

奉職再遷右侍禁咸平中爲自京至陳穎巡檢石保吉陳州大治廨舍修城壁不以聞會有言其擾民者遣美

廉其狀美曰保吉世受國恩列藩閫營繕過度誠或有之自餘保無他患帝意解歸朝充閤門祇候大中祥符二

年護屯兵於漢州歷遷供奉官徙嘉州士卒有病皆給醫藥視撫循之召還改內殿崇班提點在京倉場東西八

作司以舉職聞遷洛苑副使八年預修大內以勞改南作坊使同句當皇城司天禧初遷洛苑使領勤州刺史與

周懷政聯職未嘗阿附懷政左右有過必痛繩之親從卒偵邏者按籍分番次均使焉帝屢欲委之兵柄以皇后

惡讓中輟數四三年授神龍衛四廂都指揮使領昭州防禦使改侍衛馬軍都虞候五年加武勝軍節度觀察留

後卒贈太尉昭德軍節度子從德從廣

按從德附傳但載感官恩澤別無事蹟足錄今刪

從廣字景元少侍仁宗左右太后愛之如家人子太后崩眞拜崇州團練使娶荆王元儼女爲滁州防禦使元昊

反從廣自言不能捍患坐耗縣官廩上所給公使錢帝嘉納之爲羣牧都監改副使特拜宣州觀察使同句當三

班院請補外自效知洛州漳水溢從廣穿隋故渠以殺水勢洛人便之徙邢州籍鄉軍之罷者聽引子弟自代著

爲令召還復領三班院出知襄州徙真定府路馬步軍副都總管卒贈昭慶軍節度使諡良惠從廣性謹飭然喜交士大夫時頗稱之

從德子永年字君錫生四歲授內殿崇班許出入兩宮仁宗使賦小山詩有一柱擎天之語以爲奇童常置內中年十二始聽出外累遷廉州團練使陝州都監郭邈山等爲盜密遣壯士夜渡河殺凶徒二十餘人衆遂散邈鈐轄代還召見擢幹辦皇城司改單州團練使永興軍路總管契丹遣使來請帝繪像選副張昇報使契丹以未得志夜取巨石塞驛門衆皆恐永年素有力手擲棄之契丹驚以爲神出知涇州郡兵歲以香藥爲折支三司不時擎致振武卒素驕突入通判聽事請以他物代語不遜永年數其罪斬爲首二人餘不敢動同提舉在京諸司庫務知代州契丹取西山木前守不敢遏永年遣人焚之一夕盡契丹移檄捕縱火盜永年曰盜固有罪然發在我境何預汝事乃不復言英宗立遷沂州防禦使復知代州歷遷邕州觀察使步軍副都指揮使卒贈崇信軍節度使諡莊恪

按宋史此下有周季真傳季真娶劉美女微倖得官又有郭崇仁傳係章穆皇后弟均無事蹟足錄今刪

楊景宗字正臣章惠太后從父弟少蒨博無賴以罪隸致遠務章惠入宮爲美人奏補茶酒班殿侍累遷東染院副使章惠爲太后進崇儀使領連州刺史揚州兵馬鈐轄未幾授秦州刺史徙滑州鈐轄歷舒州團練使兵馬總管章惠崩遷成州防禦使改天雄軍副都總管時呂夷簡守魏常以禮飭戒景宗肆志不悛奏貶齊州都監徙衛州又徙鄆州鈐轄召還章獻章懿二后升祔太廟特拜徐州觀察使給留後奉逾年領軍頭引見司出知磁州爲建寧軍節度觀察留後知潞州領皇城司坐衛士入禁中謀亂貶徐州觀察使知濟州還提舉萬壽觀復原官又坐從卒王安挾刃入皇城謫左監門衛大將軍均州安置起爲汝州鈐轄祀明堂覃恩願還所改官求爲郡帝